

Guangjisi Minzcu Bau

ganhhau: CN45-0036 B.2016 Nd.5 Ng.25 liggaueq bingjsaen nienz ndwenseiq cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3225期

Dieg Minzcu Sonhag Cuengh Gun Song Saw Vah Yaek Demgya Ligliengh Moq

民族地区壮汉双语教育将添新力量

Bonjbauq siusik (gicej Cau Dwzfeih) 5 nyied 20 hauh banhaet, Gvangisih Swhfan Yozyen Codaengi Gyauyuz Yozyen yencangj Couh Sinzdungh daengj 5 boux bae daengz Duh-anh Yauzcuz Swciyen Disuh Cin Nanzgyangh Siujoyz, yawj hagseng ban Cuengh Gun song saw vah aen yozyen neix saed lienh cingzgvang; caemhcai loegguh mbangj sibinz dangzgoq Sawcuengh caeuq sibinz sizsizswng h lienhguh hwnjdangz, linghvaih cimdoi aen yozyen gungganq Cuengh Gun song saw vah lauxsae saedsaeh cingzgvang guh saeddieg diuyenz.

Ngoenzhaenx, Couh Sinzdungh daengj dingq le dangzgoq Sawcuengh Vangz Fungmingz lauxsae hwnj haenx, Vangz Fungmingz lauxsae dwg lauxsae Sawcuengh aen siujoyz neix, gyoengqde lij dingq le sizsizswng h hwnj dangz Sawcuengh caeuq dangz Sawgun dem, vanzlij dawz gij hwnjdangz ginggyaq loeg

roengzdaeuq.

Ngoenzhaenx, lij hai le aen hoihnaenghdamz he, Couh Sinzdungh daengj dingq le gij yigen caeuq genyi gyoengq siujoyz lauxsae doiq baenzlawz gungganq ndei Cuengh Gun song saw vah lauxsae. Gwnz hoihnaenghdamz, Couh Sinzdungh gyo' mbaiq Duh' anh dangdieg gyauyuz bumwnz, hagdangz caeuq lauxsae doiq aen yozyen neix gungganq Cuengh Gun song saw vah okrengz caeuq hauejcoengh. De naeuz, sizsizswng h daeuq aen siujoyz neix lienh sonsaw, bonjlaiz couhwdg lwgnuengx dangdieg, yungh cungj fuengfap neix guh sonhag, couhwdg naemj daengz yozyen aeu vih dieg minzcu gungganq gij vunzcaiz "roengz ndaej bae, louz ndaej youq", engqgya ndei fugsah dieg minzcu raeuz, vih minzcu gyauyuz guh gungyen. Hoihnaenghdamz geizgan, lauxsae camgya haihoih haenx, haenhdanq le gij cihsiz caeuq naengzlig

gyoengq sizsizswng h daeuq lienhguh sonsaw haenx, cungj naeuz neix yaek dem'ak gij ligliengh dieg minzcu aendoih lauxsae, vih minzcu gyauyuz gyahaeuq rengzhoengh moq.

Ciuq cam rox, gaiq ban Cuengh Gun song saw vah sizsizswng h neix dwg hagseng gaiq daih' it conhgoh siujoyz gyauyuz (Cuengh Gun song saw vah fuengyiengq) conhyez aen yozyen neix, gyoengqde 2014 nienz hauejhag, bineix 7 nyied bizyez. Aen conhyez neix hag 2 bi, hoeng daj bineix hwnj yaek gaiq baenz hag 3 bi lo, aen conhyez neix dwg dinghyiengq song saw vah swhfanswng h, hauejhag gaxgonq aeu ciemdingh 《Mbawhezyi Dajsuenq Gungganq Dinghyiengq Siujoyz Cuengh Gun Song Saw Vah Lauxsae Guengjsae》, bizyez le bae dieg yienzlaiz hezyi miz Cuengh Gun song saw vah siujoyz haenx, son Cuengh Gun song saw vah 8 bi doxhwnj.

SIUSIK DINJ

简讯

● 5 nyied 18 hauh, Liujcouh Si Yungzanh Yen Gungh' anhgiz youq aen yienh neix Cangzanh Cin Cungsim Siujoyz banh gohgi hauej hagdangz hozdung, hawj gyoengq hagseng yawj, lumh gij canghbei gingcaz yungh haenx, demlai gij yinxdaeuz gohgi, hagsib ancienz cihsiz.

(Danz Gaijhingh Dwng Lidingz)

● 5 nyied 18 hauh, Dasinh Yen fangzsin ganghan cijveihbu lienzhah mizgven bumwnz, haiguh 2016 nienz fuengz raemx-dumh ciengjiemj wngqgip yienlien nem Nungzmwnz Suiju roenx ok fai ceihleix wngqgip yienlien, caenh-itbouh demgiengz gij fuengz raemxdumh ancienz yiziz vunzlai, cienzmienh daezsang aendoih wngqgip ciengjiemj gouqyiemj saedhoenx naengzlig caeuq wngqgip gouqgip gunghcoz cungdij suibingz.

(Cinz Civanj)

● Gaenh geij bi neix daeuq, Lozcwnz Mulaujeuz Swciyen gaengawq gij lohnaemj "swng hdai laeb yienh, saekloeg hwngfat", laeb gij hwngfat leixniemh "raemx saw bya heu couhwdg byagim bya' ngaenz", youq gij giekdaej gyagiengz vanzging baujhoh caeuq hwnjguh, haenqrengz hengzguh "liyouz daiqdoengh" canloz, haenqrengz hwngfat swng hdai canjnieb, laebdaeb gyahung swng hdai ceihleix, doidoengh Lozcwnz ginghci swng hdai va, saekloegvaq, baujmaenh raemx saw bya heu ciengzseiz youq.

(Vuz Danhhoz)

● 5 nyied 19 hauh, Ginhsiu Yauzcuz Swciyen 2016 nienz cungh siujhagseng denzging yindungvei youq aen yienh neix Cizyez Gisuz Hagdangz haimuq. Daengx yienh 18 aen daibyauijdi gungh 221 boux yindungyenz yaek camgya buet, diuqsang, diuqgyae, diuqcag daengj hanghmoeg doxdax.

(Vangz Siufung)



Sanhgyangh:

Daegsaek Fungcingz Cux Hek Daeuj

三江: 特色风情迎客来

5 nyied 19 hauh, vunzmbanj youq Sanhgyangh Duncuz Swciyen Cwngzyangz Bazcai biujienj doz mae. Ngoenzhaenx dwg aen daihroek ngoenzlijyouz Cungguek, bineix cawjdae dwg "liyouz coicaenh hwngfat, liyouz coicaenh bangcoengh, liyouz coicaenh hozbingz", Sanhgyangh baengh deihfueg vwnzva daegsaek, doiok "naenghhwnz" "ngaizbakranz Duncuz" "yezyej" "doz mae" daengj minzcu liyouz vwnzva ngaizhoengh yinx ndaej haujlai hekyouz bae yawjngonz youzcet. Ndaw doz dwg biujienj doz mae. (Vuz Lenyinh/吴练勋)

Guengjsae "Cibngeih Haj" Nyinhcaen Guh Ndei Cezmuz Gvangjbo Densi Vah Saujsu Minzcu

广西“十二五”认真做好少数民族语广播电视节目

"Cibngeih haj" geizgan, Guengjsae Gih Minzvej, Gvangidengiz, Minz-yijvej daengj bumwnz gaenxmaenx boiqhab, nyinhcaen guh ndei hong hoizguh, loegguh caeuq cuengqok cezmuz gvangjbo densi vah saujsu minzcu. 2012 nienz, haiguh le hong diuyenz hoizguh, loegguh caeuq cuengqok cezmuz gvangjbo densi vah minzcu daengx gih, caemhcai aeu neix guh seiznde, cugyamq youq swcigih caeuq saujsu minzcu dieg comzyouq hainduj, dauqfuk hong cuengqok cezmuz gvangjbo densi vah minzcu.

Ginggyaq gaenh song bi neix mboujduenh doidoengh caeuq hauej-

coengh, daengz 2015 nienzdae, daengx gih gungh miz 29 aen yienh(si, gih) cuengqok danhvei gungh hailaeb 83 aen vah minzcu cezmuz, cezmuz cuengqok soqmoeg beij 2013 nienz demmaj 40%, cezmuz cuengqok danhvei hix youz yienzlaiz mbouj daengz 10 aen, gyalai daengz seizneix miz 29 aen danhvei.

Dangqnaj, haicuengq vah minzcu miz Vahcuengh(lai cihi), Vahyauz, Vahmyauz, Vahdung, Vahmulauj caeuq Vahmauznanz. 2015 nienz daengx gih vah minzcu cezmuz cauxguh caeuq cuengqok soqmoeg faenbied daengz gvangjbo cezmuz 31 aen, daengx bi cuengqok 5039 diemj cung, densi

cezmuz 52 aen, daengx bi cuengqok 4788 diemj cung.

"Cibsam haj" geizgan, Guengjsae yaek laebdaeb gaem ndei hong hoizguh, loegguh caeuq cuengqok cezmuz gvangjbo densi vah saujsu minzcu. Youq gij giekdaej seizneix, ceng' aeu saedyienh swcigih caeuq saujsu minzcu dieg comzyouq cienzbouh cwgoemq cuengqok cezmuz gvangjbo densi vah saujsu minzcu, caemhcai doidoengh gak dieg cezmuz gvangjbo densi vah minzcu engqgya depgaenh vunzlai, youq soqliengh caeuq cizlieng cungj daezsang yienhda.

(Sung Vwnz/宋文)